



মুক্তিযুদ্ধের মহান নায়ক প্রবাসী সরকারের প্রধানমন্ত্রী শহীদ  
তাজউদ্দিন আহমদের ৮১তম জন্ম বার্ষিকী উপলক্ষে

**আলোচনা সভা:**

তারিখ : ৬ই আগস্ট, সময় : বিকেল ৬টা

স্থান : সিলেট সদর থানা অফিস

৩৮-০৬ ৩১ স্ট্রীট, এস্টরিয়া

(৩৭ ও ৩৮ এভিনিউ এর মাঝে)

মূল প্রবন্ধ উপস্থাপক: আলীম উদ্দিন, সচিব, প্রোগ্রেসিভ ফোরাম

প্রধান অতিথি : প্রবীণ রাজনীতিবিদ ও কলাম লেখক অজয় রায়

**আলোচক:**

শহীদ তাজউদ্দিন আহমদের সুযোগ্যা কন্যা ও লেখিকা শারমিন আহমেদ, প্রবীণ সাংবাদিক ও  
প্রাক্তন সপ্তাহিক প্রবাসী পত্রিকার সম্পাদক সৈয়দ মোহাম্মদ উল্লাহ, ডঃ আব্দুল মোমেন প্রমুখ

প্রবাসী ভাই ও বোনেরা,

১৯৭১ সালে পাকিস্তানী সশস্ত্র হানাদার বাহিনী বাংলার জনগণের উপর নৃশংস হামলা চালিয়ে  
বাংলার মানুষের প্রতিরোধ সংগ্রাম রক্ত বন্যায় ডুবিয়ে দেয়ার প্রচেষ্টা চালিয়েছিল। বঙ্গবন্ধু তখন শত্রুর কারাগারে। প্রবাসী  
বাংলাদেশ সরকার দেশবাসীকে তখন শুধু নতুন আশায় উদ্দীবিত করেনি তারা মুক্তিযুদ্ধকে সংগঠিত করে সাফল্যের পথে  
এগিয়ে নিয়ে নতুন মাত্রায় উন্নীত করতে ও তার সমর্থনে দেশ বিদেশে জনমত সংগঠিত করতে সেদিন মূখ্য ভূমিকা পালন  
করেছিল।

নিজ দলে ও সরকারের ভিতরে বাহিরে শত বাধা বিপত্তি, ষড়যন্ত্র ও প্রতিকূলতার মধ্যে মুক্তিযুদ্ধের  
সকল শক্তিকে ঐক্যবদ্ধ করে বিশ্বের শান্তি, স্বাধীনতা, গণতন্ত্র ও সমাজ প্রগতির শক্তিকে মুক্তি সংগ্রামের পক্ষে নিয়োজিত  
করতে প্রধান ভূমিকা পালন করেন প্রবাসী সরকারের তৎকালীন প্রধানমন্ত্রী জনাব তাজউদ্দিন আহমদ। মুক্তিযুদ্ধের পর  
দেশকে অসাম্প্রদায়িক গণতান্ত্রিক ও প্রগতিশীল গণমুখী ধারায় অগ্রসর করার নীতিমালা ও তিনি প্রণয়ন করেন।  
পরবর্তীতে সব কিছু এলোমেলো হয়ে যায়।

আমাদের ব্যর্থতার ফলে স্বাধীনতার ৩৫ বছর পর দেশ আজ মুক্তিযুদ্ধের ভাবদর্শ থেকে বহু দূরে সরে  
যাচ্ছে। যে কোটি কোটি সাধারণ মানুষের সহযোগিতা ও সাহায্যে মুক্তিযুদ্ধ সফল হয়েছিল তাদের বঞ্চিত করে কালো  
টাকার মালিক, ধর্ম ব্যবসায়ী, সাম্প্রদায়িক উগ্র ধর্মীয় মৌলবাদী ও সন্ত্রাসবাদী শক্তি আজ দেশের সরকার, প্রশাসন, শিক্ষা,  
বাণিজ্য, প্রচার মাধ্যম সহ সবকিছুতে তার কালো থাবা বিস্তৃত করেছে। বর্তমান নেতৃত্বের সততা, ন্যায়নিষ্ঠতা আজ প্রশ্নের  
সম্মুখীন। দলের ভিতরে ও দেশে গনতন্ত্র চর্চা ও আত্মসমালোচনার ধারা সম্পূর্ণ অনুপস্থিত। ত্যাগী নেতা কর্মীদের দলে  
প্রশাসনে কোথাও স্থান নেই। দিকভ্রান্ত জনগণের সামনে মুক্তির পথ প্রদর্শক ও ভবিষ্যৎ বংশধরদের কাছে অনুকরণযোগ্য  
নেতৃত্ব আজ কোথায়? এমনি সময় জনাব তাজউদ্দিন আহমদের মত আদর্শবান, সৎ, ত্যাগী, দূরদর্শী নেতাদের ঐতিহ্যকে  
স্মরণ করা ও তার আলোকে নতুন করে পথ নির্দেশনা পাওয়া সকল দেশপ্রেমিক প্রবাসী বাঙালীর কাছে বিশেষ জরুরী।  
তাই তাজউদ্দিন আহমদের ৮১তম জন্ম বার্ষিকীতে আয়োজিত সভায় আপনাদের সবাব্দব অংশ গ্রহনের আহ্বান জানাচ্ছি।  
প্রোগ্রেসিভ ফোরামের পক্ষে-

আলীম উদ্দিন  
সদস্য সচিব

খোরশেদুল ইসলাম  
আহ্বায়ক

প্রোগ্রেসিভ ফোরাম, নিউইয়র্ক।